

INIGISAT

ATTARTORTUMIIT PIGINNITTUMUT AAQISSUUSSINEQ

2020-mi naqitaq siulleq. Ineqarnermut Attaveqatigiinnermullu Naalackersuisoqarfik. Quppersakkami uani ilaatigut attartortumiit piginnittumut aaqissuussineq, qanoq iliorlutit qinnuteqarsinnaanerlutit, qinnuteqaammut suut ilanngunneqassanersut aammalu qinnuteqarnissamut suut piumasaqaataanersut pillugit paasissutissat, nassaarisinnaavatit.

IMARISAI

- 01 **AALLAQAASIUT**
- 02 **TAARSIGASSARSINISSAMIK QINNUTEQANNGINNERMI
ILISIMASASSATIT**
- 04 **IMATUT TAARSIGASSARSINISSAMUT QINNUTEQASSAATIT**
- 06 **TIGUSISARNERIT ASSIGIINNGITSUMIK ILUSILLIT**
- 07 **ATTARTORTUT SINNERUTTUT**
- 09 **ATTARTORTUMIIT PIGINNITTUMUT AAQQUSSUSSAMI
PIUMASAQAATIT**
- 10 **TAARSIGASSARSINISSAMUT ITIGARTITSINEQ**
- 11 **INISSIAP TUNISINERMI AKIA**
- 12 **QANOQ SIVISUTIGISUMIK INEQARSIMANEQ MALILLUGU
TUNISINERMUT AKIGITITAP APPARTINNEQARNERA**
- 15 **275.000 KORUUNIT INORLUGIT NIUFERFIMMI NALEQARTUMIK
INISSIAMIK ATTARTORTITTAKKAMIK PISINEQ**
- 16 **OQAATSINUT NASSUIAAT**

QQAATSIT ULLORIAASANIK NALUNAAQUTSIKKAT

Quppersakkami matumani oqaatsit, ulloriaasamik imaattumik * nalunaaqutsersimasut naammattoortassavatit – Ulloriaasaq isumaqarpoq, oqaaseq quppersakkap tunuani nassaarisinnaagit, tassanilu isumaa itisiliiffigalugu nassuiaat nassaarisinnaavat.



AALLAQQASIUT

Inissiami attartortittakkami Namminersorlutik Oqartussanit imaluunniit kommunimit pigineqartumi najugaqaruit, attartortumiit piginnittumut aaqqissuussineq aqcutigalugu, inissiap attartukkavit pisiarinissaanut qinnuteqarsinnaavutit.


Taamaattoq inissiaq attartukkat, inissiatut nammineq pigisatut imaluunniit inissiaatitut nammineq pigisatut tiguneqarsinnaasoq Namminersorlutik Oqartussat imaluunniit kommuni aalajangiisimappat, aatsaat pisiarisinnaavat (qupperneq 9-mi piumasaqaatit takukkit).




TAARSIGASSARSINISSAMIK QINNUTEQANNGINNERMI ILISIMASASSATIT

Inissiaq attartukkat pisiariniarlugu aalajangeruit, nammineerlutit pisinermut akiusup* **60 %**-ia akilersinnaassavat. Aningaasat taakku sipaagaasinnaapput imaluunniit aningaaserivimmit realkredit-imilluunniit taarsigassarsiasinnaallutik. Periarfissatit pillugit aningaaserivimmi siunnersortit oqaloqatigiuk.

Tamatuma kingorna pisinermi akigitinneqartup **40 %**-ia sinneruttoq matussuserniarlugu Namminersorlutik Oqartussanut imaluunniit kommunimut taarsigassarsinissamik qinnuteqarsinnaavutit. Taarsigassarsiat ukiuni 20-ni erniaqaratillu akilersugassaassanngillat.



PIFFISSAMI TIGUSIFFIUSUMI
PISINERMUT AKIUSUP 60%-IA
AKILISSAVAT.



40%-INUT SINNERUTTUNUT
TAARSIGASSARSINISSAMIK
QINNUTEQARSINNAAVUTIT

Ukiut 20-t qaangiuppata, taarsigassarsiat ukiuni 15-ini assigiimmik akilersugassanngorlugit taarsigassarsiatut akilersorneqassapput* – tassa imaappoq, qaammatit tamaasa assigiimmik aningaasartalinnik akiliisassaait. Taarsigassarsiap ukiumut erniaa **3 %**-iuvoq, ilassutaassalluni Nationalbankip ernialiussaa*.

UKIUNI 20-NI SIULLERNI TAARSIGASSARSAT ERNIAQAS-
SANNGILLAT AKILERSUGASSAASSANATILLU. TAAMAATTU-
MIK TAARSIGASSARSIANUT AKILERSUISSANNGILATIT.

TAARSIGASSARSAT UKIUNI 15-INI KINGULLERNI
AKILERSUISSAATIT, QAAMMATIT TAMAASA AS-
SIGIINNIK AKILIISASSALLUTIT. UKIUMUT ERNIAT
3%-IUPPUT

UKIOQ ATAASEQ

UKIUT 20-T

UKIUT 35-T



Inigisat Namminersorlutik
Oqartussat imaluunniit
kommunip inigisat
taarsigassarsinermut
qularnaveeqqusiutissavaa*
– tamanna
taaneqartarpoq inissiamut
qularnaveeqqusiussaqlarluni
taarsigassarsititsineq.

Taarsigassarsianut
akilersuinerit
unitsissagalarukku,
tamanna pingaaruteqarpoq
– taamatut pisoqarnerani
Namminersorlutik
Oqartussat imaluunniit
kommunip inigisavit
pinngitsaaliissummik
tuniniarneqarnissaa
piumasarissallugu
toqqarsinnaavaat.

TAARSIGASSARSIAT ATAATSIKKUT AKILERUSUKKUKKIT:

Taarsigassarsianut
ukiuni tallimani
akilersuereersimaguit,
taarsigassarsiat
ataatsikkut akilernissai
qinnutigisinnaavat,
taamaalillutit qaammammut
aalajangersimasumik
anigaasartalinnik*
akiliisartussaajunnaarlutit.
Qinnuteqaatit
akuerineqarpat,
taarsigassarsiaq sinneruttoq
3 %-mik ernialerneqassaaq,
ilassutigalugu Nationalbankip
erniarititaa*.



IMATUT TAARSIGASSARSINISSAMUT QINNUTEQASSAATIT

QINNUTEQAAMMUT PIUMASAQAATIT

Qinnuteqaat nassiukkukku, aningaaserivimmeersumik uppernarsaammik imaqassaaq, aningaasat nammineerlutit akilersinnaaneranut Namminersorlutik Oqartussanit imaluunniit kommunimit taarsigassarsiarisinnaanngisannik.

NALUNAARUT ILANNGUNNEQASSAAQ

Aningaaserivik aamma pisinermut akiusup 60%-ianik sinneruttumik aningaasalersuisinnaanersutit nalunaaruteqassaaq.

NAMMINERSORLUTIK OQARTUSSAT

Qinnuteqarnermut immersuiffissaq pissarsiarineqarsinnaavoq uunga e-mailimik nassiussinikkut: **pigiuk@nanoq.gl**

Imaluunniit oqarasuaammut **34 50 00** sianernikkut. Oqarasuaat ulluinnarni nal. 08.00 – 16.00 akornanni ammasarpoq.

KOMMUNI

Qinnuteqaatit kommunimut saaffiginnillutit nassiussinnaarat.

Qinnuteqaatit e-mail-ikkut imaluunniit allakkatigut najukkani innuttaasunik sullissivimmut imaluunniit nunaqarfiup allaffianut nassiuguk.



SULERIAATSIT

Inissiamik piginnittup qinnuteqaatit tiguguniuk, nammineerluni ini pillugu paasissutissat pingaarutillit piniassavai.

Taassuma kingorna qinnuteqaatit akuerineqassanersoq akuerineqassannginnersorluunniit aalajangiiffiqeassaaq.

Qinnuteqaatit akuerineqarpat piginnittup eqqartuussissuserisumut ingerlateqqillugu nassiutissavaa, taassumalu illit piginnittullu akunnissinni isumaqatigiissut inarlugu suliarissavaa, tamatumalu kingorna neqeroorusiortoqassaaq.

TIGUSISARNERIT ASSIGIINNGITSUMIK ILUSILLIT

- 1 Inissiaarsuarmi attartortittakkanik inissiarqartumi najugaqarfigisarni attartortittagaq ataasiinnaappat, inissiaq attartukkat inissiatut nammineq pigisatut tigussavat.
- 2 Inissiami attartortittakkami ataatsimit amerlanerusunik attartortittakkanik inissiarqartumi najugaqaruit, inigisat inissiatut nammineq pigisatut tigussavat.
- 3 Inissiaq attartukkat ilaqtariinnut arlalinnut inissiaarsuarmiippat, illuut piginnittut peqatigiiffianni kattuffeqartunut inissianut nammineq pigisanut aggulunneqassaaq.

ILAQTARIINNUT ATAATSINUT ILLUUPPAT, TAMATUMA KINGORNA PISORTAT NASSIUTISSAVAAT:

- Inissiaq attartukkat inissiatut pigisassanngorlugu tigusinnaagit allaganngorlugu neqeroorut
- Inissiap pigisavit illutaanut nassuiaatit pillugit paasissutissat
- Inissiap nammineq pigisavit niuerfimmi nalinga pillugu paasissutissat
- Akiligassat imaluunniit piginnittunut immikkut ittumik piumasarisat nalunaarsorneqarsimasinnaasut, tigusinerup kingorna inissianut nammineq pigisanut attuumassuteqartussatut nalilerneqartut pillugit paasissutissat

INISSIAAPPAT NAMMINEQ PIGISAQ AAMMA NASSIUNNEQASSAPPUT:

- Piginnittut peqatigiiffiat aamma malittarisassat* pillugit paasissutissat
- Tunisinissamut tamakkiisumut pilersaarusiaq*, inissiami nammineq pigisami agguaqatigiisitsinissamut* kisitsisitalik
- Najugaqarfimmi inissiap pigineqartup attuumassuteqarfigisaani ukumi pineqartumi ingerlatsinermut missingersuutit
- Najugaqarfimmi inissiap pigineqartup attuumassuteqarfigisaani naatsorsuutit akuerisat kingulliit

Allaganngorlugu neqeroorutip tigunerata kingorna kingusinnerpaamik qaammatit pingasut qaangiutinnginneranni tigusinissaq akuerissavat.

ATTARTORTUT SINNERUTTUT

Illuut inissianut nammineq pigisanut aggulunneqarpat, Namminersorlutik Oqartussat imaluunniit kommuni attartortunut sinneruttunut makkua nassiutissavaat:

- 1 INISSIAMIK ATTARTORTITTAKKAMIK NAJUKKAMINNIK INISSIATUT NAMMINEQ PIGISATUT TIGUSISINNAANERAT PILLUGU NALUNAARUT**
- 2 PIGINNITTUT PEQATIGIIFFIAT PILLUGU PAASISSUTISSAT AAMMA MALITTARISASSAT ASSILINERI**



ATTARTORTUTUT INISSIAQ ATTARTUGAQ PISIARERUSUNNGIKKAANNI:

- Inigisami attartortuuginnartoqarsinnaavoq
- Illoqarfigisami inissiaq alla neqeroorutigineqartoq akuerineqarsinnaavoq

ATTARTORTUUGINNARNIARAANNI EQUMAFFIGINEQASSAPPUT:

- Attartornermut akiliut attartukkani taamaattuni ineqarnermut akiliutip naatsorsorneqartarneranut maleruagassat nalinginnaasut malillugit aalajangersarneqassammat
- Piginnittut peqatigiiffianni malittarisassat malinneqartussaapput
- Kingusinnerusukkut inissiaq attartorneqartoq pisiarineqarsinnaavoq

Inissiaq piginnittut peqatigiiffianniittooq qimallugu nuuttoqarpat, inissiaq tamanut ammasunik neqeroortitsinikkut tuniniarneqassaaq, taamaattumillu attartorteqqinneqassanani.



ATTARTORTUMIIT PIGINNITTUMUT AAQQUSSUUSAMI PIUMASAQAATIT

INISSIAT INISSIATUT NAMMINEQ PIGISATUT ALLANNGORTINNEQARSINNAANGITSUT, ILAATIGUT MAKUUPPUT:

- Atorfimmut atatillugu inissiat
- Inissiat aalajangersimasunut atugassanngortinneqartut
- Utaqqiisaasumik inissiat
- Inissiat, innarluutilinnut immikkut ittumik tulluarsakkat

ILLOQARFINNI MAKUNANI ILAQTARIINNUT ATAATSINUT ILLUNIK AAMMA ILLUT AFFARLERIIT PISIARINEQARSINNAAJUNNAAREERPUT:



TAARSIGASSARSINISSAMUT ITIGARTITSINEQ

ILUARSAASSINERMI KINGUAATTOORUTIT

Inissiaq attartukkat illuummi annertuumik iluarsaassinis-samik kinguaattooruteqar-fiusumiippat, taarsigassar-sinissamut qinnuteqaatit itigartinneqarsinnaavoq.

Tamatumunnga pissutaa-voq, imaassinnaammat akikitsumik inissiaatitaartutit, kisianni piginnittut peqati-giiffiat tamatuma kingorna aalajangersinnaapput anner-toorujussuarmik iluarsaas-sisoqassasoq, 1 mio. koruuninik akeqalersinnaasumik – taamaattumillu piginnittunut ataasiakkaanut tamanna akisussaaq.

Pisinissamik itigartitsineq allanik aamma pissuteqar-sinnaavoq, assersuutigalugu illuutip teknikkikkut ikkussu-inerit atuuttut.



**Tassalu illuut pitsaan-
ngippallaartutut
nalilersorneqarpat,
imaluunniit teknikkikkut
ikkussuinerit atuuttut
pissutigalugit pisinissaq
itigartitsissutigineqar-
sinnaavoq.**

INISSIAP TUNISINERMI AKIA

Inissiamut attartortumiit piginnittumut aaqqissuussineq malillugu tuniarneqartumut akigititaq niuerfimmi nalinga* malillugu aalajangersarneqartarpoq. Niuerfimmi nalinga tassaavoq niuerfimmi killilersugaanngitsumi tunisinermi illuummi pissarsiarineqarsinnaasoq. Tassa imaappoq, tunngavissat soorlu tuniniakkat pisiaasartullu, inissisimaffia aamma sumiiffimmi pineqartumi niuerfimmuut tunngasut, naliliinermi ilaatinneqarput.



PISINERMI AKIGITITAQ MAKKUA TUNNGAVIGALUGIT NAATSORSOR- NEQASSAAQ:


- Niuerfimmi nalinga
- Ilasutigalugu
50.000 koruunit
inissiamit tigusinermi
aningaasartuutinit
matussutaasussat



QANOQ SIVISUTIGISUMIK INEQARSIMANEQ MALILLUGU TUNISINERMUT AKIGITITAP APPARTINNEQARNERA

Inissiaq suarmi pingasunik amerlanernilluunniit attartortittakkanik inissiaqtaqartumi najugaqaruit, tunisinermit akigititami procentinngorlugu annikillilerivigineqarsinnaavutit. Annikilliliissutissaanut qanoq sivisutigisumik attartortuusimanersutit* apeqqutaavoq.

TUNISINERMI AKIGITITAP PROCENTINNGORLUGU APPARTINNEQARNERA APEQQUTAATINNAGU, ANNIKILLILISSUTAASUP ANINGAASAT MAKKUA SINNERSINNAANNGILAI:



AKIT NIKINGASSUTAANNUT QULARNAVEEQUSIISSUT

Namminersorlutik Oqartussat imaluunniit kommunit inissiami akit nikingassutaannut qularnaveeqqusiissummik* nalunaarsuissapput, akigititami annikillissutaasumut aningaasartaasa annertoqqataanik.

50.000 koruunit inorlugit akit nikingassutaannut qularnaveeqqusiissummik nalunaarsuisoqassanngilaq. Akit nikingassutaannut qularnaveeqqusiissut ukiut tulliuuttut 10-it annikillisisikiartuaarneqassaaq, aammalu piffissap annikillisisiartuaarfusup naanerani nalunaarsorsimajunnaaqqissalluni.

TASSA IMAAPPOQ

Pisisoq 335.000 koruuninik annikilliliiffigineqarpat, akit nikingassutaannut qularnaveeqqusiissut* 335.000 koruuninik annertussuseqassaaq.

Qularnaveeqqusiissut tamatuma kingorna ukiut 10-it tulliuuttut 1/10-nik annikillilerneqartassaaq – tassalu ukiumut 33.500 koruuninik – tamatuma kingorna qularnaveeqqusiissut peerneqassalluni.

Inissiaq assersuutigalugu ukiut 6-it kingorna tunineqarpat, tunisisup siusinnerusukkut inissiamik piginnittumut ukiunut sisamanut kingullernut akit nikingassutaannut qularnaveeqqusiissut utertillugu akilissavaa – tassalu 4 x 33.500 koruunit katillugit 134.000 koruunit. Piginnittoq tassaassaaq Namminersorlutik Oqartussat imaluunniit kommuni.

UKUNUNGA APPAATISSAQ: 335.000 KR. = AKIT APPASISSUSIINUT/QAFFASISSUSIINUT QULARNAVEEQQUT: 335.000 KR.

Ukiut tamaasa 1/10-imik appartinneqartassaaq:

-33.500 kr.	-33.500 kr.	-33.500 kr.	-33.500 kr.	-33.500 kr.	-33.500 kr.	-33.500 kr.	-33.500 kr.	-33.500 kr.	-33.500 kr.
301.500 kr.	268.000 kr.	234.500 kr.	201.000 kr.	167.500 kr.	134.000 kr.	100.500 kr.	67.000 kr.	33.500 kr.	0 kr.
UKIOQ SIJULLEQ	UKIUT AAPPAAT	UKIUT PINGAJUAT	UKIUT SISAMAAT	UKIUT TALLIMAAT	UKIUT ARFERNAT	UKIUT ARFINEQ AAPPAAT	UKIUT ARFINEQ PINGAJUAT	UKIUT QULINGILUJUAAT	UKIUT QULINGAT

275.000 KORUUNIT INORLUGIT NIUERFIMMI NALEQARTUMIK INISSIAMIK ATTARTORTITTAKKAMIK PISINEQ

Inissiaq attartukkat ilaqutariinnut ataatsinut illuuppat imaluunniit illu affarleriuppat aammalu Namminersorlutik Oqartussanit imaluunniit kommunimit pigineqarluni, peqatigisaanillu **275.000 koruunit** inorlugit niuerfimmi naleqarluni*, aningaasangorlugu akiliillutit tigunissaa qinnuteqaatigisinnaavat.

Namineq tunisinermi akigititap akilernissaanut periarfissaqanngikkuit, illuutip pisiarineranut akilersuineranut aaqqissuussinissamik* isumaqatigiissuteqarnissamut periarfissaqarpoq. Akilersuineranut aaqqissuussineq taanna annerpaamik qaammatit **60-it** ingerlasinnaavoq, tassani illit qaammammut minnerpaamik **4.000** koruuninik akiliisassallutit. Taarsigassarsiaritit erniaqaratillu akiliuteqartinneqanngillat.

Tassa imaappoq: Niuerfimmi akigititap **240.000 koruuniuppat**, ukiuni tallimani qaammammut **4.000** koruuninik akiliisarluni akia akilerneqassaaq.

Akilersuineranut aaqqissuussinermut akiliisarnerit unitsikkukku, qaammammut **3 %-imik** ernialerneqassaaq nationalbankip ernialiussaa* ilanngunneqassalluni.

NAMMINERSORLUTIK OQARTUSSAT

Qinnuteqarnermut immersuiffissaq pissarsiarineqarsinnaavoq uunga e-mailimik nassiussinikkut: **pigiuk@nanoq.gl**

Imaluunniit oqarasuaammut **34 50 00** sianernikkut. Oqarasuaat ulluinnarni nal. 08.00 – 16.00 akornanni ammasarpoq.

KOMMUNI

Qinnuteqaatit e-mail-ikkut imaluunniit allakkatigut najukkani **innuttaasunik sullissivimmu**t imaluunniit **nunaqarfiup allaffianut nassiuguk**.

INATSISIT

Namminersornerullutik
Oqartussat kommunillu
inissiaataannik
attartortittakkanik inissiatut
imaluunniit illutut nammineq
pigisatut tiguisarneq pillugu
Inatsisartut peqqussutaat nr. 12,
19. november 2007-imeersoq

Namminersorlutik Oqartussat
kommunillu inissiaataannik
attartortittakkanik inissiatut
imaluunniit illutut nammineq
pigisatut tiguisarneq pillugu
Inatsisartut peqqussutaata
allanngortinneqarneranik
Inatsisartut inatsisaat nr. 26,
17. november 2017-imeersoq
(Ilulissani, Aasianni, Sisimiuni,
Nuummi aamma Qaqortumi
Namminersorlutik Oqartussat
ilaqutariinnut ataasiakkaanut
illuutaannik aamma
illuutaannik affarleriinnik
ilaatitsinnginneq kiisalu
tamakkiisumik akiliuteqarluni
tiguisinnaanissamut
periarfissaq)

Namminersornerullutik
Oqartussat kommunillu
inissiaataannik
attartortittakkanik inissiatut
imaluunniit illutut nammineq
pigisatut tiguisarneq pillugu
Inatsisartut peqqussutaata
allanngortinneqarnera pillugu
Inatsisartut inatsisaat nr. 15,
27. november 2018-imeersoq
(Taarsigassarsianik
sioqqutsilluni akiliisarneq).



OQAATSINUT NASSUIAAT

AGGUAANERUP AGGORNERI

Piginnittut peqatigiiffianni inissiat angissusaannit tamarmiusunit inissiap nammineq pigisap angissusaata allassimanagera.

AKILERSUINISSAMUT AAQQUSSUSSINEQ

Akilersuinissamut aaqqissuussineq taarsigassarsititsinermut allatut oqariaasiinnaavoq. Akilersuut tassaavoq aningaasat taarsigassarsititsinissamut isumaqatigiissut malillugu qaammatit tamaasa taarsigassarsianut akiliutigineqartartussat. Akilersuinermit akiitsut annikillartussapput.

AKIT NIKINGASSUTAANNUT QULARNAVEEQQUSSISSUT

Akit nikingassutaannut qularnaveeqqussiissut tassaavoq, inissiamik pisisup tiguseriitsiarnermini, tunisisup (kommunip) pisisumut akikillisaataatut annertussusilimmik sinneqartooruteqarluni, inissiaq niuerfimmil killilersugaanngitsumi tuniniaqqinnginmissaanik, inissiamik tunisisup (kommunip) qulakkeernissaanut periaaserisaa. Taamaattumik akit nikingassutaannut qularnaveeqqussiissummik atuinermit, pisisup pisinerep kingorna ukiut siullit qulit iluanni niuerfimmil killilersugaanngitsumi inissiaq tuniassappagu, tunisisup (kommuni) akikillisaatip ilaa utertillugu tigussavaa.

ANINGAASARTANIK KINGUMOORTUMIK NAATSORSUINEQ

Aningaasartanik kingumoortumik naatsorsuinermit siunissami aningaasartuutaasussat maannakkut nalinganut naatsorsorneqartarput. Siunissami aningaasartuutaasussat, assersuutigalugu taarsigassarsiat akilersorneqarnerannut, ullumikkut aningaasartuutissanit annikinnerupput (maannakkut nalinga), tassami akigitat ingerlaavartumik annertusiartorlutik ineriartortarmata (aningaasat naleerukkiartornerat).

ATTARTORTUUSIMANERUP SIVISUSSUSAA

Attartortuusimanerup sivisussusaa pisortat inissiaataanni attartortittakkani qanoq sivisutigisumik attartortutut najugaqarsimanermit takussutissaavoq.

ILLUP NIUERFIMMI NALINGA

Illup niuerfimmi nalinga tassaavoq niuerfimmi killilersugaanngitsumi illup tunineqarnerani nalingatut naliliiffigineqartoq.

ILUARSAASSINERMI KINGUAATTOORUTIT

Inissiaq imaluunniit illuut paasineqarpat ukiorpassuit ingerlaneranni pisariaqartitsineq naapertorlugu aserfallatsaaliorneqarsimanngippat, iluarsaassinermi kinguaattooruteqalissaaq.

INISSIAMIK QLARNAVEEQQUSIUSSINEQ

Inissiamik qlarnaveeqqusiussineq aningaaseriviup taarsigassarsisumut inissiamut taarsigassarsititsinermini qlarnaveeqqusiinerminut periaaseraa. Taarsigassarsisup taarsigassarsiaminut utertillugit akilersuinini unitsippagu, aningaaseriviup inissiaq pinngitsaaliissummik akitsorterussinikku tuniniarsinnaatitavavaa, taamaalillunilu aningaasaatimi sapinngisamik annertunersai utertissinnaallugit.

MALITTARISASSAT

Malittarisassat maleruagassaapput ataatsimoortut, ilaatigut peqatigiiffimmu malittarisassatut atorneqartussat. Assersuutigalugu siulersuisut qanoq katitigaassanersut, aammalu qaqugukku ukiumoortumik ataatsimeersuarnissamut aggersaasoqartassanersoq, malittarisassani allassimassaaq.

NATIONALBANKIP ERNIARITITAGAI

Ernialiusseq Nationalbankip aningaaserivinnut taarsigassarsititsinermi ernianik naatsorsuinermini atortagaa.

PIGINNITTUT PEQATIGIIFFIAT

Illuut ataaseq arlallilluunniit inissianut nammineq pigisanut aggulunneqarpat, piginnittut peqatigiiffiat pilersinneqassaaq. Piginnittut peqatigiiffiata inissianik nammineq pigisanik piginnittut ataatsimoorussamik soqutigisaat isumagisarissavai. Piginnittut peqatigiiffiata akisussaaffii suliassaallu piginnittut peqatigiiffiannut malittarisassani allassimapput.

PISINERMI AKIGITITAQ

Pisinermi akigititaaq tassaavoq akia tamarmiusoq inissiamik pisinermi akilerneqartussaq.

TAARSIGASSARSARITITAT ANNERTOQQATIGIINNIK AKILERSUGASSAT

Taarsigassarsaritat annertoqqatigiinnik akilersugassat tassaapput, taarsigassarsaritat taarsigassarsinermi piffissaq akilersuiffiusussaq tamaat annertoqqatigiimmik akilersorneqartussat. Tassa imaappoq, taarsigassarsiat naammassillugit akilerneqarnissaasa tungaanut qaammatit tamaasa assigiimmik aningaasartaqartillugit akilerneqartassat. Aallaqqaammut qaammatikkaartumik aningaasartaasa ilai annertuut tassaassapput ernialiusat. Kisianni taarsigassarsiat akilersorneqarnerat ilutigalugu erniat aningaasartai annikilliertussapput, aammalu akilersuutit annertusiartussallutik. Taarsigassarsaritani annertoqqatigiinnik akilersugassani iluaqutissartaasoq tassaavoq, missingersuusiornissap ajornannginnerulernera, tassami qaammatit tamaasa qanoq akiliissanerluni ilisimaneqaqqissaassammat.

TUNINIAANISSAMUT SULIASSAP PILERSAARUSIORNERA

Tuniniaanissamut suliassap pilersaarusionerani inissiamik pisinissaq pillugu paasissutissat pingaaruteqartut tamarmik katersorneqartarput, taamaalilluni pisisussaq nammineerluni allani paasissutissanik piniartusnaanani. Taamaalilluni tuniniaanissamut suliassap pilersaarusionera inissiamut nioqqutissamut nassuiaataavoq, taamaalilluni pisisussaq paasissutissiiviulluartunik tunngaveqarluni pisinissamut aalajangiisnaalluni.

QUPPERSAGAQ 'INIGISAT' AAMMA UUNGA AANEQARSINNAAVOQ:
WWW.NAALAKKERSUISUT.GL AAMMA **WWW.SULLISSIVIK.GL**

TASSANI AAMMA ATUARSINNAAVATIT:

- **PIGINNEQATIGIILLUNI INISSIAT PILLUGIT INATSIT**
- **ILLUNUT SANAQATAAFFIUSUNUT INATSIT**
- **ILLULIORTITERNERNUT ANINGAASALERSUINEQ PILLUGU INATSIT**

